



**«Նոր ժամանակի
կրթություն» ՀԿ**

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ**

**ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ**

*Հետազոտության թեման՝ Սովորողների մեջ
ինքնուրույնության, նախաձեռնության և
ստեղծագործական ունակությունների զարգացումը
<<Հայոց լեզու և գրականություն>> առարկայի
ընթացքում:*

Առարկան՝ <<Հայոց լեզու և գրականություն>>

Հետազոտող ուսուցիչ՝ Չավարյան Նարա

Ուսումնական հաստատություն՝ Օձունի թիվ 1

միջնակարգ դպրոց

Երևան 2022

ՎԵՐԱՊԱՏՐԱՍՏՄԱՆ ԴԱՍԸՆԹԱՑ 2022

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Սովորողների մեջ ինքնուրույնության, նախաձեռնության
և ստեղծագործական ունակությունների զարգացումն
առարկայի դասավանդման ընթացքում

Հեղինակ՝

Ձալարյան Նարա

Մարզ՝

Լոռի

Ուսումնական հաստատություն՝

Օձունի թիվ 1 միջնակարգ դպրոց

Բովանդակություն

1.Նախաբան:Հետազոտության նպատակները,խնդիրները,արդիականությունը...2-5	
2.Աշխատանքի բովանդակությունը.....5-13	
3.Եզրակացություն.....14-15	
4.Օգտագործված գրականության ցանկ.....16	

Բովանդակություն

- 1.Ներածություն: Հետազոտության նպատակները,խնդիրները:
- 2.Սովորողների մեջ ինքնուրույնության ,նախաձեռնության զարգացումն առարկայի դասավանդման ընթացքում:
3. Սովորողների մեջ ստեղծագործական ունակությունների զարգացումն առարկայի դասավանդման ընթացքում:
- 4.Եզրակացություն:
- 5.Օգտագործված գրականության ցանկ:

1.Ներածություն: Հետազոտության նպատակները,խնդիրները:

Ի՞նչ ենք հասկանում <<ինքնուրույնություն>>, <<նախաձեռնություն>>, <<ստեղծագործական ունակություններ>> ասելով:Ի՞նչ նպատակ է հետապնդում հետազոտությունը:

Աշխատանքի նպատակն է ` ներկայացնել,թե ինչ ենք հասկանում <<ինքնուրույնություն>>, <<նախաձեռնություն>>, <<ստեղծագործական ունակություններ>> ասելով,ինչպես նաև ցույց տալ այս կարողությունների ձևավորման ու զարգացման ուղիները:

Այսօր առավել,քան երբևէ, կարևոր է սեփական անձի հնարավորությունների և կարողությունների գիտակցումը :Այս առումով կարևորում ենք հոգեբանական աջակցումն ու խթանումը ավելի վաղ` դեռահասության տարիքում, ինչը հնարավոր է իրականացնել համապատասխան տեղեկատվության լայնածավալ կիրառմամբ և դեռահասների շրջանում հոգեբանական ինքնաճանաչման, ինքնագիտակցման ձևավորման և զարգացման ճանապարհով: Դեռահասի պատկերացումներն ու երազանքները որոշակի համակրանք, հրապուրանք են ձևավորում կոնկրետ մասնագիտության հանդեպ, իսկ արդեն պատանեկան տարիքում դրանք նախահիմք են դառնում արժեհամակարգի համար:

Չանրակրթական հաստատություններն այսօր նոր պահանջներ են առաջացնում ապագա երիտասարդների համար:Դրանցից կարևոր է ինքնուրույնության ձևավորումը սովորողների մեջ:Կրթական հաստատությունը պետք է սովորողին ապահովի ոչ միայն գիտելիքներով, այլև այս կամ այն երևույթի մասին գործնականում ինքնուրույն վերլուծություններ և եզրահանգումներ կատարելու փորձառությամբ:Ինքնուրույնության համար անհրաժեշտ նախապայմաններ են հանդիսանում որոշման կայացումը, ներքին ազատությունը, պատասխանատվության գիտակցումը, կայացման ձգտումը, ինչին հնարավոր է հասնել գիտելիքի, մասնագիտության նախընտրության և պահանջարկի համապատասխանությամբ, արժեհամակարգի ձևավորմամբ, մատչելի տեղեկատվության ապահովմամբ և այլն:

Արդյո՞ք աշակերտների մտածողությունը զարգանում է ուսուցման պրոցեսում, եթե նրանք կարողանում են ինքնուրույնաբար իմացական խնդիրներ լուծել, ելք գտնել պրոբլեմային իրավիճակներում: Տարիքի հետ զուգընթաց զարգանում է սեփական գործունեությունը պլանավորելու և այդ պլանն իրականացնելու ունակություն: Այդ առանձնահատկությունները դրսևորվում են նաև երեխաների ուսումնական գործունեության մեջ: Որոշ երեխաներ ուսումնական առաջադրանքներ կատարելիս ուշադրություն են դարձնում տարրերի վրա, բայց դրանք չեն կապում միմյանց հետ: Ուրիշները գործողության եղանակները ընտրում են, ելնելով այն բանից, թե ամբողջությամբ վերցրած ինչպես են հասկանում խնդիրը, նրա կապերը ուսումնական այլ նյութերի հետ և այլն: Այս ամենի արդյունքում երեխաների մոտ ձևավորվում է նախաձեռնողականություն: Անձի այնպիսի ընդհանուր գծերի ձևավորումն ու զարգացումը, ինչ-պիսիք են նպատակասլացությունը,

կազմակերպվածությունը, կանխամտածվածությունը նույնպես հատուկ ջանքեր են պահանջում: Անհրաժեշտ է, որպեսզի երեխաները տիրապետեն իրենց գործունեությունը կազմակերպելու միջոցներին: Նրանց սովորեցնում են առանձնացնել գործունեության որոշակի փուլեր՝ պլանավորումը, նախապատրաստումը, իրագործումը, վերահսկողությունն ու գնահատումը:

Նախաձեռնության ձևավորումը շատ բարդ պրոցես է և շոշափում է երեխայի անձի տարբեր կողմեր: Մի կողմից երեխաներին պետք է սովորեցնել իրենց կատարած առանձին գործողությունները համադրել նպատակի, ապագա արդյունքի, գործունեության պահանջվող արգասիքի հետ, պետք է սովորեցնել փոխել, վերակառուցել գործողությունները՝ կախված նպատակի, խնդրի փոփոխությունից: Մյուս կողմից, երեխաներից ոչ միայն պետք է պահանջել, որ նրանք որոշակի արդյունք ստանան, գործունեությունը հասցնեն մինչև վերջ, հաշվի առնեն առաջադրված պահանջները, այլև նրանց համար պետք է հատկապես առանձնացնել ստացված արդյունքը, այն վերլուծության ենթարկել նպատակի ու խնդրի տեսանկյունից, մատնացույց անել լավագույն արդյունքներ ձեռք բերած երեխաներին:

Ստեղծագործելու էությունը կայանում է առկա փորձի վերափոխման ,դրա հիման վրա նոր համադրությունների կառուցման մեջ: Ստեղծագործական կարողությունները նպաստում են յուրօրինակ մտքերի համախմբմանն ու նոր մտքերի ստեղծման գործընթացին՝ օգնելով գտնել առաջացած խնդիրների և դժվարությունների համար նոր, յուրօրինակ մոտեցումներ և լուծումներ: [Ստեղծագործական գործունեության](#) մեթոդիկաներն օգնում են ավելի հստակ ձևակերպել [խնդիրները](#), արագացնում են նոր գաղափարներ գտնելու գործընթացը, ինչպես նաև ավելացնում են դրանց քանակը, լայնացնում են խնդիրների վերաբերյալ արդեն եղած տեսակետները և ոչնչացնում իմացական արգելքները: Գոյություն ունեն ստեղծարարության մեթոդիկաների ինչպես անհատական, այնպես էլ խմբով կամ գույգերով աշխատելու ձևեր:Ստեղծագործական կարողությունների ձեռքբերման համար անհրաժեշտ են՝

- 1.Խնդրի հստակ ձևակերպում
- 2.Ելքային տվյալների հավաքագրում
- 3.Ելքային տվյալների կառուցակարգման համար չափորոշիչների մշակում
- 4.Կառուցակարգել ելքային տվյալները
- 5.Բազմակողմանիորեն ուսումնասիրել ելքային տվյալները
- 6.Լայնացնել խնդրահարույց իրավիճակի ենթաճյուղերը
- 7.Խնդրի վերաբերյալ մի քանի տեսակետ մշակել
- 8.Առաջ քաշել հնարավոր լուծումների առավելագույն քանակ
- 9.Մշակել առավել հնարավոր լուծումներից ընտրություն կատարելու սկզբունք
- 10.Հանել մտավոր արգելքները

11. Արագացնել մտքերի գեներացման գործընթացը

12. Դուրս բերել իսկապես արդյունավետ ու յուրօրինակ լուծումներ:



Այսպիսով, վերը նշվածից եզրակացնում ենք, որ սովորողների մեջ ինքնուրույնություն, նախաձեռնություն, ստեղծագործական ունակություններ զարգացնելու համար անհրաժեշտ է համակողմանի աշխատանք իրականացնել: Այդ կարողությունների ձևավորումը պետք է սկսել վաղ տարիքից և աստիճանաբար ընդլայնել՝ ելնելով տարիքային, առարկայական պահանջներից:

2. Սովորողների մեջ ինքնուրույնության, նախաձեռնության զարգացումն առարկայի դասավանդման ընթացքում:

Չնայած բազմաթիվ մշակված հարցերին, ինքնուրույնության հմտությունների զարգացման խնդիրը դեռևս արդիական է: Ժամանակակից աշխարհի պայմաններում այն ավելի քան երբևէ ակտուալ է, քանի որ ներառում է դպրոցականների ոչ միայն անձնային զարգացման և նրանց անկախության ձևավորման, այլև մատաղ սերնդի ստեղծագործական դաստիարակության խնդիրները:

Որո՞նք են սովորողների ինքնուրույնության զարգացման մակարդակները:

Դրանք են՝

1. Սովորողների գործողությունների պատճենում ըստ տրված օրինաչափության, առարկաների և երևույթների նույնականացում, դրանց ճանաչում՝ համեմատելով հայտնի օրինաչափության հետ: Այս մակարդակում սովորողները պատրաստվում են ինքնուրույն գործունեության:
2. Կրթական տեղեկատվության վերարտադրման գործունեություն, որը չի անցնում հիշողության մակարդակի սահմաններից: Այս մակարդակում տեղի է ունենում ճանաչողական գործունեության տեխնիկայի և մեթոդների ընդհանրացում, դրանց տեղափոխում ավելի բարդ, բայց դեռ բնորոշ խնդիրների լուծմանը:
3. Ձեռք բերված գիտելիքների ինքնուրույն կիրառման արդյունավետ գործունեություն: Այս փուլում ինքնուրույն գործունեությունն աշակերտից պահանջում է եզրակացություններ անելու կարողություն, ինչպես նաև ստեղծագործական տարրեր:
4. Անկախ գործունեություն գիտելիքների փոխանցման վերաբերյալ բոլորովին նոր իրավիճակներում խնդիրներ լուծելիս, որոշումների կայացման, նոր ծրագրերի պատրաստման պայմանների զարգացում:¹

Ինքնուրույնության խթանման համար անհրաժեշտ է կարևորել համապատասխան մոտեցումներն ու սպասումները ինչպես տարիքային տարբեր փուլերում, այնպես էլ կրթական տարբեր աստիճաններում: Մանկության տարիներին ազատ և դերային խաղերի առաջադրամաբ երեխային կարելի է ուղղորդել, հետևել նրա ընտրության սկզբնական քայլերին, սովորեցնել պատասխանատվություն կրել սեփական ընտրության համար: Ավելի ուշ, դպրոցական տարիքում առավել կարևորվում է գիտելիքը, իմացությունը, ինչը թելադրվում է մեծի կողմից, և այս առումով ինքնուրույնության խթանումը զուգահեռ դժվար է իրականացնել: Սեփական անձի հետաքրքրությունների և ապագա մասնագիտության սկզբնական ինքնորոշման քայլերը կարող են իրականանալ վաղ դեռահասության տարիքում: Եթե տեղեկացվածությունը, մասնագիտությունների

1.Տե՛ս Նեմոլ Ռ.Ս., Հոգեբանություն, Գիրք 2 ,1998,608 էջ:

մասին պատկերացումները բավարար լինեն ինքնորոշման համար, ապա ուսումնական հաստատություններում սովորողները կարող են ինքնուրույն կողմնորոշվել սպասվող հոսքային ընտրության համար, այսինքն կայացնել որոշում՝ որպես ապագա մասնագետ:

Կ.Դ. Ուշինսկին գրել է, որ երեխաները պետք է ինքնուրույն աշխատեն, իսկ ուսուցիչը պետք է ղեկավարի այս անկախ աշխատանքը և նյութ տրամադրի նրան: Նա հիմնավորել է դասարանում սովորողների ինքնուրույն աշխատանքի կազմակերպման որոշ ուղիներ ու միջոցներ՝ հաշվի առնելով ուսուցման տարիքային շրջանները, լուծել է ուսումնական գործընթացում սովորողների անկախության խնդիրը:

Ուսուցիչը պիտի իրականացնի նպատակաուղղված մանկավարժական գործընթաց՝ սովորողների ակտիվ կրթական և ճանաչողական գործունեության կազմակերպման և խթանման համար՝ տիրապետելու գիտական գիտելիքներին, հմտություններին և կարողություններին, զարգացնելու ստեղծագործական կարողությունները, աշխարհայացքը, բարոյական և գեղագիտական հայացքներն ու համոզմունքները:

Մանկավարժական գործընթացում զգալի տեղ են գրավում ինքնուրույնության զարգացման մեթոդները, ինչը բազմիցս ընդգծել են անցյալի հայտնի ուսուցիչները: Կ.Դ. Ուշինսկին պնդում էր, որ միայն ինքնուրույն աշխատանքը պայմաններ է ստեղծում սովորողների մտածողության խորը տիրապետման և զարգացման համար, իսկ Պ.Ֆ. Կապտերնն ասում էր, որ դպրոցը բարելավելու յուրաքանչյուր նոր քայլ ինքնակրթության սկզբունքների կիրառումն է երիտասարդների դպրոցական կրթության մեջ: Հայոց լեզվի և գրականության դասաժամերին դա կարելի է իրականացնել շարադրությունների, ինքնուրույն վերլուծություններ կատարելու միջոցով: Սովորողներն արդյունքում գիտակցաբար ձգտում են հասնել առաջադրանքում դրված նպատակին՝ ցույց տալով իրենց ջանքերը և այս կամ այն

ձևով բացահայտելով իրենց մտավոր կամ ֆիզիկական գործողությունների արդյունքները: Նմուշի վրա անկախ աշխատանքը սովորողները կատարում են մանրամասն հրահանգների հիման վրա, ինչի պատճառով նրանց ճանաչողական գործունեության և անկախության մակարդակն այս դեպքում դուրս չի գալիս վերարտադրողական գործունեության շրջանակներից: Այսպես, օրինակ, հայոց լեզվի դասերին սովորողներին ներկայացվում են մի քանի նախադասություններ, և նրանք պետք է ինքնուրույն որոշեն, թե որտեղ են ճիշտ դրված կետադրական նշանները, կամ գրատախտակին գրված են մի քանի բառ նույն քերականական կանոնի համար, և սովորողները պետք է գտնեն ճիշտ և սխալ գրված բառեր, կամ պետք է գտնել օրինակներ, որոնք հաստատում են որոշակի քերականական կանոնը:

Գրականության դասաժամին կարելի է հանձնարարել կազմել բանավոր պատմություն ասացվածքներով և առածներով: Սովորողների ճանաչողական ակտիվությունն ու անկախությունն արտահայտվում են խնդրահարույց իրավիճակի վերլուծության ժամանակ նրանց կողմից արված ընդհանրացումներով, էականը երկրորդականից առանձնացնելու և համապատասխան խնդրի լուծման շրջանակներում լուծում գտնելու մեջ:

Ստեղծագործական անկախ աշխատանքները սովորողների ճանաչողական գործունեության և ինքնուրույնության ամենաբարձր մակարդակն են արտահայտում: Այս տիպի աշխատանքներում արդեն ենթադրվում է, որ սովորողն անմիջականորեն կմասնակցի իր համար սկզբունքորեն նոր գիտելիքների՝ նյութական և հոգևոր մշակույթի արժեքների արտադրությանը: Ստեղծագործական աշխատանքի բոլոր տեսակների առաջադրանքները պարունակում են պայմաններ, որոնք խթանում են խնդրահարույց իրավիճակների առաջացումը, որոնք դասի ընթացքում կարող են ստեղծվել տարբեր ձևերով: Սովորողների ինքնուրույն աշխատանքը պահանջում է ինտենսիվ մտածողություն, տարբեր ճանաչողական առաջադրանքների լուծում, նշումներ կատարելը, ուսումնական տեղեկատվության ըմբռնումն ու մտապահումը և այլն: Անկախ աշխատանքի արդյունավետությունը կախված է բազմաթիվ արտաքին և ներքին գործոններից՝ դրա առաջադրանքների

բովանդակությունից և բարդությունից, ավագ ընկերների առաջնորդությունից, գիտելիքների մակարդակից և ընդհանուր զարգացումից, նրանց ինտելեկտուալ գիտելիքներից և հմտություններից, շարժառիթներից և վերաբերմունքից, մեթոդներից և տեխնիկայից: Սովորողների անկախ աշխատանքի արդյունավետության կենտրոնական պայմանը դրա նպատակների և մեթոդների խորը գիտակցումն է, սեփական անձի գիտակցումը որպես անձի, ով ինքն է ղեկավարում, կազմակերպում և վերահսկում ուսումնական գործընթացը: Ուսուցիչը պետք է լուրջ ուշադրություն դարձնի ինքնուրույնության ձևավորման գործընթացում նոր գիտելիքներն ինքնուրույն ընկալելու և յուրացնելու սովորողների կարողությունների զարգացմանը: Այս հմտությունների զարգացման ողջ գործընթացը պետք է սկսել արվեստի փոքր ստեղծագործությունների ինքնուրույն ընթերցմամբ, այնուհետև գիտահանրամատչելի հոդվածներով, որին կհաջորդի վերապատմումը կամ սովորողների հարցերի պատասխանները: Սովորողների մեջ նախաձեռնողականության ձևավորումը հնարավոր է բազմաթիվ իրավիճակներում: Դրա միջոցով սովորողն արտահայտում է սեփական կարծիքը և կատարում գործողություններ: Գրականության դասաժամին նախաձեռնողականություն ձևավորելու համար կարելի է դիմել տարբեր մեթոդների ու հնարների: Կարելի է գրական երկի հանգույցի շուրջ քննարկումներ կազմակերպել գրական կերպարների՝ տարբեր իրավիճակներից ելք գտնելու շուրջ իրենց կարծիքներն ու տարբերակներն առաջադրել:

Այսպիսով, եկանք եզրակացության, որ ուսուցումն ուսուցչի և սովորողների միջև փոխգործակցության գործընթացի կազմակերպման բարդ ձև է, որն ուղղված է որոշակի կրթական նպատակների իրականացմանը: Ուսուցումը ակտիվ գործընթաց է, որի ընթացքում ուսուցիչը և սովորողը փոխազդում են: Ուսուցման գործընթացում զգալի տեղ է զբաղեցնում ինքնուրույնության և նախաձեռնողականության ձևավորման աշխատանքը, որպես գործունեություն, որն իրականացվում է առանց ուսուցչի անմիջական մասնակցության, բայց նրա հանձնարարությամբ՝ դրա համար հատուկ հատկացված ժամանակում: Այն սովորողների անձնական ստեղծագործական ձևավորման և զարգացման պայման է:

3. Սովորողների մեջ ստեղծագործական ունակությունների զարգացումն առարկայի դասավանդման ընթացքում:

Որո՞նք են երեխաների ստեղծագործական կարողությունների զարգացման համար անհարժեշտ պայմանները: Կրթության և դաստիարակության գործընթացում ստեղծագործ անհատականության զարգացումը ժամանակակից հասարակության սոցիալապես կարևոր խնդիրներից մեկն է: Որպես կրթության բարձրագույն նպատակ է սահմանվում ինքնազարգացող և ինքնորոշող անհատականության ձևավորումը, որն ունակ է բաց ստեղծագործական փոխազդեցության միջավայրի և հասարակության հետ: Մանկավարժական գիտությունը կենտրոնական խնդիրներից է համարում կրթության ազդեցությունը անհատի ստեղծագործական զարգացման վրա: Ներկայումս մանկավարժական գիտության առաջնահերթ խնդիրներից է անհատի և հասարակության միջև որակապես նոր հարաբերությունների ուսումնասիրությունը, երեխաների կրթության, ուսուցման և ստեղծագործական զարգացման առավել օպտիմալ ուղիների որոնումը: Անհատականության զարգացման համար առանձնահատուկ նշանակություն ունեն նախադպրոցական և տարրական դպրոցական տարիքը, երբ դրվում է անհատականության հիմքը, ձևավորվում են սովորություններ, զարգանում են ճանաչողական կարողություններ, ձևավորվում են բազմազան հարաբերություններ արտաքին աշխարհի հետ: Կրթության մեջ էական վերափոխումներ են տեղի ունենում, փոխվում են ոչ միայն նրա անհատական կողմերը, այլև ընդհանուր հայեցակարգային մոտեցումները: Երեխայի անհատականության ստեղծագործական զարգացման հիմնախնդիրը լուծելու արդյունավետ միջոցներից մեկը հիմնական և լրացուցիչ կրթության ինտեգրումն է, անհատականության վրա հիմնված, անհատական գործունեության մոտեցումների ներդրումը, որոնք կարող են էական դեր խաղալ երեխայի կյանքում: Նրա ստեղծագործական կարողությունների զարգացմանը նպաստելու համար անհրաժեշտ է պայմաններ ստեղծել երեխայի ստեղծագործական գործունեության փորձի ձևավորման համար, ապահովել ընտանիքի դրական վերաբերմունքը: Անհրաժեշտ է՝

-արտահայտված աջակցություն երեխայի գործունեության տեսակին, դրա համար անհրաժեշտ նյութերի տրամադրում

-բացահայտել ստեղծագործական գործունեության էությունը, բովանդակությունը, կառուցվածքը

-բացահայտել երեխաների ստեղծագործական գործունեության զարգացման հնարավորությունները կրթության գործընթացում

-բացահայտել մանկավարժական պայմանները, որոնք նպաստում են կրթության գործընթացում ստեղծագործական գործունեության զարգացմանը

-փորձականորեն ստուգել աշխատանքի արդյունավետությունը:

Հայոց լեզվի և գրականության դասաժամերին դա հնարավոր է իրականացնել հարցաքննության, գրույցի, վերլուծական շարադրությունների միջոցով:

Նախ բացահայտվում են ստեղծագործական գործունեության բաղադրիչները և որոշվում դրա զարգացման մակարդակները: Այնուհետև դրանք հիմնավորվում և փորձականորեն հաստատվում են:

Սովորողների ստեղծագործական գործունեության կառուցվածքը բաղկացած է մոտիվացիոն, բովանդակային-գործառնական և հուզական-կամային բաղադրիչներից: Կրթության գործընթացում երեխաների մանկավարժական ուղղորդումն ուղղված է նրանց զարգացմանը, և նրանց ներկայությունն ապահովում է սովորողների գործունեության հաջողությունը: Իսկ հաջող վերջնարդյունքի համար անհրաժեշտ է գործունեության տեսակի կամավոր ընտրություն, դրա համար անհրաժեշտ նյութերի ապահովում, հուզական աջակցություն: Պատահական չէ, որ ստեղծագործական կարողությունների ձևավորման հետ կապված խնդիրները դիտարկվում են փիլիսոփայության, մանկավարժության և հոգեբանության կողմից:

Ստեղծագործական գործունեության զարգացման գործընթացի արդյունավետությունը հնարավոր է հետևյալ պայմաններում, այն է՝

- ուսուցչի կողմնորոշումը յուրաքանչյուր երեխայի ստեղծագործական ներուժի զարգացմանն իր ընտրած գործունեության ոլորտում, որն իրականացվում է աշխատանքի ձևերի և մեթոդների հատուկ ընտրության միջոցով

- երեխայի ստեղծագործական գործունեության նկատմամբ ընտանիքի դրական վերաբերմունքի ապահովումը, որն արտահայտվում է ի աջակցություն երեխայի գործունեության տեսակի կամավոր ընտրության, դրա համար անհրաժեշտ նյութերի տրամադրման, նրա հաջողության համար հուզական աջակցություն ստանալու միջոցով:

Հայոց լեզվի և գրականության դասերին ստեղծագործական ճանաչողական գործունեության զարգացման գործում հսկայական դեր է տրվում դասագրքի հետ աշխատանքին: Դասագիրքը կազմակերպում է սովորողների ճանաչողական գործունեությունը, համակարգում գիտելիքները, ձևավորում ուղղագրական հմտություններ, զարգացնում խոսքը, նպաստում բարոյական և գեղագիտական դաստիարակությանը: Դասագիրքը պարունակում է առաջադրանքներ, որոնք զարգացնում են տրամաբանելու, ապացուցելու, համեմատելու, եզրակացություններ անելու կարողությունը: Հայոց լեզվի դասերին շատ ժամանակ է հատկացվում սովորողների ինքնուրույն աշխատանքին: Դրա համար օգտագործվում են նաև առաջադրանքներ, որոնք թույլ են տալիս ոչ միայն ստուգել գիտելիքները լուսաբանված նյութի վերաբերյալ, այլև հնարավորություն ունեն անընդհատ կրկնել ուսումնասիրված նյութը, ուսումնասիրել ժամանակից շուտ: Դասարանում ճանաչողական գործունեության զարգացման գործում մեծ նշանակություն ունեն հանելուկները, ասացվածքները, խաղերը, բանաստեղծությունները: Այս բոլոր ձևերն օգնում են երեխաների մտածողության, հնարամտության, երևակայության զարգացմանը, հարստացնում են երեխաների խոսքն ու հիշողությունը: Դասերում հանելուկները օգտագործվում են ինչպես բանավոր, այնպես էլ գրավոր ձևով տարրական դպրոցի հայոց լեզվի ծրագրում ուսումնասիրված տարբեր թեմաներով: Առաջադրանքները կարող են շատ տարբեր լինել: Ցանկացած տեսակի աշխատանքում հանելուկները, ասացվածքները, առածները հուզական ազդեցություն են ունենում երեխաների ճանաչողական կարողությունների զարգացման վրա, ինչը դրականորեն ազդում է նրանց գիտելիքների, հմտությունների և կարողությունների վրա: Այս ամենը

հնարավորություն է տալիս երեխաներին հետաքրքրել ուսումնասիրվող նյութով՝ հարստացնելով բառապաշարը և ձևավորելով գրելու գիտակցված հմտություն և դժվար բառերի ճիշտ օգտագործում բանավոր և գրավոր խոսքում: Հեքիաթների դասեր անցկացնելը հնարավոր է երկու տարբերակով, երբ հիմք է ընդունվում ժողովրդական կամ գրական հեքիաթը, երկրորդը կազմում է հենց ուսուցիչը: Հեքիաթի ձևը մոտ և հասկանալի է հատկապես փոքր և միջին տարիքի երեխաների համար, բայց ավագ դպրոցի աշակերտները հետաքրքրությամբ են արձագանքում նման դասին:

Այսպիսով, ելնելով վերը նշվածից, կարող ենք եզրակացություններ անել երեխաների ճանաչողական գործունեության զարգացման կարևորության մասին և շեշտել, որ դրա համար անհրաժեշտ նախադրյալներն են՝

1. Դասին դրական մոտիվացիայի ստեղծում.
2. Տեղեկատվության իմաստային վերլուծության ակտիվ և ինտենսիվ աշխատանքի ապահովում.
3. Իմաստային կռահման մշակում և աշակերտի բառապաշարի փորձի ակտիվացում, բառապաշարի հարստացում.
4. Ուշադրության օպտիմալ կազմակերպման խթանում.
- 5 Հիշելու ռացիոնալ եղանակներով զինում.
6. Տեղեկատվության ընկալման անհրաժեշտ տեմպի զարգացում.
7. Աշխատանքի տեմպի բարձրացում.
8. Տեղեկատվական տարածքի, դասի բովանդակության զարգացում:

4. Եզրակացություն:

Այսպիսով, կարող ենք եզրակացնել, որ սովորողների մեջ ինքնուրույնության, նախաձեռնության, ստեղծագործական կարողությունների ձևավորումն ու զարգացումը կրթության կարևոր բաղադրիչներից են: Ինքնուրույնությունը մանկավարժության մեջ հասկացվում է որպես անձի առաջատար հատկություններից մեկը, որն արտահայտվում է որոշակի նպատակ դնելու, դրա իրականացմանը ինքնուրույն հասնելու ունակությամբ, պատասխանատու վերաբերմունք ցուցաբերելով նրանց գործունեությանը և գործելու գիտակցաբար և ակտիվորեն, ոչ միայն ծանոթ միջավայրում, նաև նոր պայմաններում, որոնք պահանջում են ընդունել ոչ ստանդարտ լուծումներ: Ինքնուրույնությունը՝ որպես անձնական հատկություն, մարդուն տրված չէ ծնունդից, այլ ձևավորվում է երեխայի մեծանալուն պես:

Ուսուցման մեջ ինքնուրույնությունն առանձնահատուկ նշանակություն ունի, որտեղ այն ամենավառ արտահայտությունն է գտնում սովորողների ինքնուրույն աշխատանքի գործընթացում: Այստեղ շեշտը դրվում է աշակերտի ինքնագործունեության, հետաքրքրասիրության, ակտիվության զարգացման, երեխայի անհատական փորձի վրա: Ուսուցիչը չպետք է երեխային պարտադրի իր հայացքները, համոզմունքները, պատրաստի կանոնները: Անհրաժեշտ է խրախուսել սովորողին լինել ակտիվ և անկախ՝ անուղղակիորեն ազդելով աշակերտի վրա շրջապատի, շրջակա միջավայրի միջոցով: Կարևոր է երեխաների տարիքային առանձնահատկությունները հաշվի առնելու անհրաժեշտությունը: Կ. Դ. Ուշինսկին նշել է, որ մանկավարժը պետք է աչալուրջ տարբերակի համառությունը, քմահաճույքը և ազատ գործունեության անհրաժեշտությունը, որպեսզի չճնշի երեխային²: Երեխաների ստեղծագործական գործունեության զարգացումը նպատակաուղղված է գիտակցական կյանքում ստեղծագործելու նրանց նախապատրաստման խնդիրների լուծմանը և ենթադրում է սովորողների ներգրավում գեղարվեստական, գեղագիտական, սպորտային և ժամանցի,

2.Տե՛ս Կ. Դ. Ուշինսկի, Մարդը որպես դաստիարակության առարկա, 1868, էջ 237:

բնապահպանական, կենսաբանական, զբոսաշրջության ոլորտներում:

Նախաձեռնողականությունը նորարարությունների հանգեցնող մտքերի ակունքն է: Մի բան է տարաբնույթ մտքեր ունենալ, մեկ այլ բան՝ այդ մտքերը զարգացնելն ու կյանքի կոչելը՝ ձեռնարկելով հստակ քայլեր: Սա բավականին բարդ գործընթաց է, որում սովորողներն անկասկած բախվում են հազարավոր խոչընդոտների: Սակայն նախաձեռնողականության հետ սերտ կապված խրթին ուղին ունի մի շարք դրական կողմեր: Այն մեկ հարթության վրա է բերում տարբեր մարդկանց՝ միավորելով նրանց հանուն մեկ գերագույն նպատակի: Գրեթե անհնար է ինչ-որ բան ամբողջովին մենակ նախաձեռնել: Նախաձեռնողականությունն իր մեջ է կրում մարդկանց միավորման և մեկ ամբողջական թիմի վերածման խորհուրդը: Նախաձեռնողականությունն է այն շարժիչ ուժը, որն առաջ է մղում ամեն մի նոր միտք դեպի իրականություն: Այն հանգեցնում է դրական տեղաշարժի՝ երկրագնդի անդադար շարժին զուգահեռ:

Ստեղծագործական անհատականության զարգացումը, որը պատրաստ է սոցիալական նշանակալի գործառույթների իրականացմանը, սոցիալական փոխակերպման գործունեությանը, դառնում է ժամանակակից հասարակության էական խնդիրներից մեկը: Ստեղծագործական անհատականության զարգացման խնդիրը մենք դիտարկում ենք աճող մարդու իրական կարողությունների զարգացման համատեքստում, որոնք ձևավորվում և մարմնավորվում են տարբեր տեսակի ճանաչողական և ստեղծագործական գործունեության մեջ: Այս գործունեության արդյունքը միշտ չէ, որ ակնհայտ սոցիալական արժեք ունի, սակայն դրա գործընթացին մասնակցությունը երեխաների համար առաջնային նշանակություն ունի: Այս գործընթացի ընթացքում ի հայտ են գալիս նախաձեռնողականություն, ինքնուրույնություն, բացահայտվում է անհատի ստեղծագործական ներուժը: Յուրաքանչյուր երեխա ունի կարողություններ և ունակություններ: Երեխաները բնականաբար հետաքրքրասեր են և սովորելու ցանկություն ունեն: Որպեսզի նրանք ցույց տան իրենց կարողությունները, անհրաժեշտ է պատշաճ առաջնորդություն:

5.Օգտագործված գրականության ցանկ:

1. Նեմով Ռ.Ս., Հոգեբանություն, Գիրք 2 ,1998:
2. Կ. Դ. Ուշինսկի,Մարդը որպես դաստիարակության առարկա ,1868:
- 3.Անձի ինքնիրացման հիմնախնդիրը: Ուսումնական ձեռնարկ / Վ. Ռ. Պապոյան, Է. Ա. Գրին, Ա. Ս. Գալստյան և ուրիշներ, -Եր.: ԵՊՀ հր., 2011:
- 4.Ա.Վ. Պետրովսկի,Ընդհանուր հոգեբանություն , Ե., 1974: